

Ledict poille magnifique estoit porté par quatre prebstres, soubz lequel estoit Monsieur Nostre Messire Henrici, évesque de Damas, suffragans de Monseigneur l'Arcevesque de Lyon, lequel portoit le PRECIEULX CORPS de Nostre Seigneur Jesus Christ. Et à cousté y avoit deux vénérables personages eccleziastiques qui tenoient le bout du cresse estendu au desoubz du pied du ciboire.

Après ledict poille marchoit Monsieur de Mandelot, gouverneur de la dicte ville avec Monsieur de Chambéry, gouverneur de la citadelle de Lyon, de Monsieur le marquis de Vegene, puy suyvoit Monsieur le président Larcher, chef et superintendant de toute la justice dudict Lyon, avec Monsieur le Général Camus.

Après suyvoient d'ung cousté Messieurs les Conseillers de la justice, suyvis des greffiers, advocatz et procureurs du siège présidial, chacun selon leur ordre et dignité

De l'autre cousté desdicts sicurs de la justice, marchoient lesdicts Conseillers eschevins de la dicte ville, suyvis de leurs officiers ordinaires, estant au-devant lesdicts sieurs eschevins les deux mandeurs de la ville, portans les deux manches de coulleur aux armoyries de ladicte ville, lesquels sieurs eschevins estoient suyvis d'ung grand nombre de bourgeois et notables de la dicte ville.

Après lesquelz marchoient les archiers du lieutenant de robbe courte avec leurs casacques de livrée, portans chascung la hallebarde, qui alloient sur les ailles faisans faire place au peuple pour la procession et suyviz de tous les habitans de Lyon et de tout le peuple en tres grand nombre, portant chasque chef d'hostel son cierge blanc allumé comme il avoit esté enjoinet par la publication et crye de la dicte procession generale.

Après venoit Madame la Gouvernante, accompagnée de toutes les dames et damoyelles notables dudict Lyon, chascune en leur ordre et dignité. Puy les suyvoient les bourgeoises et habitantes en nombre infini.

Il y avoit plusieurs repositoires avec poilles et riches ornemens dressez devant les plus notables maisons de Lyon. Mesmement